

Temeljem članka 16. stavak 4. Zakona o Vladi Zeničko-dobojskog kantona - Pročišćeni tekst ("Službene novine Zeničko-dobojskog kantona", broj: 7/10.), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 96. sjednici, održanoj dana 08.03.2021. godine, donosi

ZAKLJUČAK

I.

Prihvaća se Mišljenje Ministarstva za obrazovanje, nauku, kulturu i sport, doneseno po po inicijativi zastupnika Jasmina Duvnjaka broj: 01-02-2018/21 od 12. 02. 2021. godine, vezanog za za usvanjanje-donošenje Zakona o estradnoj djelatnosti u Zeničko-dobojskom kantonu i čini sastavni dio ovog zaključka

II.

Zaključak sa Mišljenjem iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

PREMIJER

po Odluci predsjedavajućeg Skupštine

Mirnes Bašić

Broj: 02-_____ /21

Datum, 08.03.2021. godine

Zenica

DOSTAVLJENO:

1x Ministarstvo za obrazovanje, nauku, kulturu i sport,

1x Stručna služba Skupštine,

1x a/a.

U vezi s aktom Stručne službe Skupštine Zeničko-dobojskog kantona, broj: 01-02-2018/21 od 12. 02. 2021. godine, u dijelu koji se odnosio na podnesenu inicijativu **Jasmina Duvnjaka**, podnesenoj na 30. sjednici Skupštine Zeničko-dobojskog kantona, a vezano za usvajanje-donošenje Zakona o estradnoj djelatnosti u Zeničko-dobojskom kantonu, resorno ministarstvo daje sljedeće:

MIŠLJENJE

Postupajući po inicijativi zastupnika Jasmina Duvnjaka, a koja se odnosi na usvajanje-donošenje Zakona o estradnoj djelatnosti, ovim putem moramo naglasiti da Ministarstvo za obrazovanje, nauku, kulturu i sport u dijelu svoje nadležnosti u oblasti kulture kontinuirano prati rad svih kulturnih djelatnika. U ovom trenutku ne postoji aдекватan obim djelovanja udruge koja bi na kantonalnoj razini provodila odluke Zakona o estradnoj djelatnosti i koja bi vršila javne ovlasti u tom smislu.

Naime promatrajući zakonsku regulativu iz ove oblasti u Bosni i Hercegovini vidljivo je da su istim obuhvaćene aktivnosti koje su definirane Zakonom o udruženjima i fondacijama Federacije BiH („Službene novine Federacija BiH“, broj: 45/02), te Zakonom o samostalnim umjetnicima Zeničko-dobojskog kantona („Službene novine Zeničko-dobojskog kantona“, broj: 2/05). Sukladno tome možemo konstatirati da donošenje Zakona o estradnoj djelatnosti u Zeničko-dobojskom kantonu ne bi donijelo nove odredbe koji već nisu određene u prethodno navedenim zakonima.

Međutim, cijeneći predloženu inicijativu, naglašavamo da je u tijeku procedura oko izrade Strategije kulturne politike na području Zeničko-dobojskog kantona koja će, nakon izvršenih svih analiza stanja u oblasti kulture, dati jasan put kulturne politike na području Zeničko-dobojskog kantona i kroz eventualne izmjene određenih zakonskih odredaba.

PRIJEDLOG

Temeljem članka 37. stavak 1. točka f) Ustava Zeničko-dobojskog kantona, Skupština Zeničko-dobojskog kantona na ____sjednici, održanoj _____2021. godine, donosi

ODLUKU

o usvajanju Zaključka Vlade o donošenju Zakona o estradnoj djelatnosti u Zeničko-dobojskom kantonu

Članak 1.

Usvaja se Zaključak Vlade o donošenju Zakona o estradnoj djelatnosti u Zeničko-dobojskom kantonu, koja čini sastavni dio ove Odluke.

Članak 2.

Odluka stupa na snagu osmog dana od dana objavljivanja u „Službenim novinama Zeničko-dobojskog kantona“.

PREDSJEDAVAJUĆI

Ćazim Huskić, s.r.

Broj: 02- _____ /21.
Datum, _____ godine
Zenica

Obrazloženje

Pravna osnova

Pravna osnova za donošenje ove odluke temelji se na članu 37. stavak 1. točka f.) Ustava Zeničko-dobojskog kantona.

Razlozi za donošenje

Dana 09. 02. 2021. godine, na 30. sjednici Skupštine Zeničko-dobojskog kantona, zastupnik u Skupštini Zeničko-dobojskog kantona Jasmin Duvnjak, u okviru predtočke dnevnog reda: „Postavljanje zastupničkih pitanja i pokretanje inicijativa“, pokrenuo je Inicijativu za usvajanje-donošenje Zakona o estradnoj djelatnosti u Zeničko-dobojskom kantonu.

Uvažavajući inicijativu zastupnika Jasmina Duvnjaka, resorno ministarstvo razmotrilo je datu sugestiju, te utvrdilo da u ovom trenutku ne postoji aдекватan obim djelovanja udruge koja bi na kantonalnoj razini provodila odluke Zakona o estradnoj djelatnosti i koja bi vršila javne ovlasti u tom smislu.

Naime promatrajući zakonsku regulativu iz ove oblasti u Bosni i Hercegovini vidljivo je da su istim obuhvaćene aktivnosti koje su definirane Zakonom o udruženjima i fondacijama Federacije BiH („Službene novine Federacija BiH“, broj: 45/02), te Zakonom o samostalnim umjetnicima Zeničko-dobojskog kantona („Službene novine Zeničko-dobojskog kantona“, broj: 2/05). Sukladno tome možemo konstatirati da donošenje Zakona o estradnoj djelatnosti u Zeničko-dobojskom kantonu ne bi donijelo nove odredbe koji već nisu određene u prethodno navedenim zakonima.

Također je potrebno naglasiti da je u tijeku procedura oko izrade Strategije kulturne politike na području Zeničko-dobojskog kantona koja će, nakon izvršenih svih analiza stanja u oblasti kulture, dati jasan put kulturne politike na području Zeničko-dobojskog kantona i kroz eventualne izmjene određenih zakonskih odredaba.

Financijski pokazatelji

Realizacijom ove Odluke neće biti dodatnih zahvaćanja u odnosu na planirana sredstva u planiranom Proračunu Zeničko-dobojskog kantona za 2021. godinu.

Ministarstvo za obrazovanje, nauku, kulturu i sport smatra da postoje opravdani razlozi za donošenje ovakve Odluke.